



Province of the
EASTERN CAPE
EDUCATION

**NASIONALE
SENIOR SERTIFIKAAT**

GRAAD 12

SEPTEMBER 2021

GESKIEDENIS V2

PUNTE: 150

TYD: 3 uur



Hierdie vraestel bestaan uit 9 bladsye en 'n addendum van 14 bladsye.

INSTRUKSIES EN INLIGTING

1. Hierdie vraestel bestaan uit AFDELING A en AFDELING B, wat op die voorgeskrewe inhoudsraamwerk in die KABV-dokument gebaseer is.

AFDELING A: BRONGEBASEERDE VRAE

VRAAG 1: BURGERLIKE VERSET, 1970's TOT 1980's: SUID-AFRIKA

VRAAG 2: DIE OPKOMS VAN DEMOKRASIE NA SUID-AFRIKA EN DIE AANVAARDING VAN DIE VERLEDE

VRAAG 3: DIE EINDE VAN DIE KOUE OORLOG EN 'N NUWE WÊRELDORDE: 1989 TOT DIE HEDE

AFDELING B: OPSTELVRAE

VRAAG 4: BURGERLIKE VERSET, 1970's TOT 1980's: SUID-AFRIKA: DIE KRISIS VAN APARTHEID IN DIE 1980's

VRAAG 5: DIE OPKOMS VAN DEMOKRASIE NA SUID-AFRIKA EN DIE AANVAARDING VAN DIE VERLEDE: ONDERHANDELDE OOREENKOMS EN DIE RNE

VRAAG 6: DIE EINDE VAN DIE KOUE OORLOG EN 'N NUWE WÊRELDORDE: DIE GEBEURE VAN 1989

2. AFDELING A bestaan uit DRIE brongebaseerde vrae. Bronmateriaal wat benodig word om hierdie vrae te beantwoord, kan in die ADDENDUM gevind word.
3. AFDELING B bestaan uit DRIE opstelvrae.
4. Beantwoord DRIE vrae soos volg:
 - 4.1 Minstens EEN moet 'n brongebaseerde vraag wees en minstens EEN moet 'n opstelvraag wees.
 - 4.2 Die DERDE vraag kan óf 'n brongebaseerde vraag óf 'n opstelvraag wees.
5. Jy word aangeraai om ten minste EEN uur per vraag te spandeer.
6. In die beantwoording van die vrae moet jy jou kennis, vaardighede en insig toepas.
7. Jy sal benadeel word deur die blote oorskryf van die bronne as antwoorde.
8. Nommer die antwoorde korrek volgens die nommeringstelsel wat in hierdie vraestel gebruik word.
9. Skryf netjies en leesbaar.

AFDELING A: BRONGEBASEERDE VRAE

Beantwoord ten minste EEN vraag, maar nie meer as TWEE vrae uit hierdie afdeling nie. Bronmateriaal wat gebruik moet word om hierdie vrae te beantwoord, is in die ADDENDUM vervat.

VRAAG 1: WAT WAS DIE UITDAGINGS WAT DIE SUID-AFRIKAANSE REGERING IN DIE 1980's IN DIE GESIG GESTAAR HET?

Bestudeer Bron 1A, 1B, 1C en 1D en beantwoord die vrae wat volg.

1.1 Verwys na Bron 1A.

- 1.1.1 Definieer die begrip *Totale Strategie* in jou eie woorde. (1 x 2) (2)
- 1.1.2 Waarom, dink jy, het P.W. Botha hierdie hervormings ingestel? (2 x 2) (4)
- 1.1.3 Gebruik die inligting in die relevante bronne en jou eie kennis, lewer kommentaar oor waarom die apartheidsregering die Stedelike Bantoe-Owerheidswet van 1982 ingestel het. (2 x 2) (4)
- 1.1.4 Haal bewyse uit die bron aan wat daarop dui dat die NP-regering hervormings aan apartheid ingestel het. (2 x 1) (2)

1.2 Bestudeer Bron 1B.

- 1.2.1 Watter boodskap word in hierdie spotprent aangaande die implementering van die nuwe grondwet van 1983 oorgedra? (2 x 2) (4)
- 1.2.2 Identifiseer die twee rassegroepe in die bron wat die boonste vertrekke beset. (2 x 1) (2)
- 1.2.3 Lewer kommentaar oor die bruikbaarheid van die inligting in hierdie bron vir 'n historikus wat die skepping van die Driekamer-parlement ondersoek. (2 x 2) (4)

1.3 Vergelyk Bron 1A en 1B. Verduidelik hoe die inligting in Bron 1A die bewyse in Bron 1B ondersteun rakende die implementering van hervormings deur die apartheidsregering. (2 x 2) (4)**1.4 Lees Bron 1C.**

- 1.4.1 Waarom, volgens die bron, was die 1980's gewelddadig en het Suid-Afrika na verandering beweeg? (1 x 2) (2)
- 1.4.2 Noem enige TWEE groepe wat volgens die bron verbonde aan die UDF was. (2 x 1) (2)

- 1.4.3 Noem die TWEE veldtogte wat die UDF teen die apartheidsregime geloods het. (2 x 1) (2)

Verduidelik wat word geïmpliseer met die woorde: 'Ons wil al ons regte hê, ons wil dit hier hê en wil dit nou hê', in die konteks van Allan Boesak se toespraak. (2 x 2) (4)

1.5 Raadpleeg Bron 1D.

- 1.5.1 Wat, volgens die bron, was die griewe van die swart woongebiede- (lokasie) inwoners wat tot huurboikotte gelei het? (2 x 1) (2)

- 1.5.2 Waarom dink jy is swart polisiemanne en raadslede in die swart woongebiede (lokasies) aangeval? (2 x 2) (4)

- 1.5.3 Verduidelik wat bedoel word met die term *Noodtoestand* in die konteks van die hervormings wat deur P.W. Botha ingestel is. (1 x 2) (2)

- 1.6 Gebruik die inligting in die relevante bronne en jou eie kennis, skryf 'n paragraaf van ongeveer AGT reëls (ongeveer 80 woorde) waarin jy die uitdagings wat die Suid-Afrikaanse regering gedurende die 1980's in die gesig gestaar het, verduidelik. (8)
[50]

VRAAG 2: HET DIE AMNESTIE-PROSES VAN DIE WAARHEIDS-EN-VERSOENINGSKOMMISSIE (WVK) AAN DIE FAMILIE VAN DR. NEIL AGGETT AFSLUITING GEGEE?

Bestudeer Bron 2A, 2B, 2C en 2D en beantwoord die vrae wat volg.

2.1 Bestudeer Bron 2A.

- 2.1.1 Definieer die term *apartheid* in jou eie woorde. (1 x 2) (2)
- 2.1.2 Wat, volgens die bron, was Neil Aggett ooggetuie van in die hospitale waar hy gewerk het? (2 x 1) (2)
- 2.1.3 Verduidelik wat geïmpliseer word deur die woorde: 'Aggett het die 51^{ste} persoon geword wat in polisie-aanhouding sterf' in die konteks van politieke aanhoudings. (2 x 2) (4)

2.2 Raadpleeg Bron 2B.

- 2.2.1 Watter boodskappe word op hierdie foto oorgedra? (2 x 2) (4)
- 2.2.2 Waarom dink jy noem hierdie ondersteuner Neil Aggett, 'n Ware patriot'? (1 x 2) (2)

2.3 Lees Bron 2C.

- 2.3.1 Definieer die term *menseregte* in die konteks van die WVK. (1 x 2) (2)
- 2.3.2 Noem die TWEE polisiebeamptes in die bron wat as Aggett se martelaars geïdentifiseer is. (2 x 1) (2)
- 2.3.3 Waarom, dink jy, het Nick Deetlefs, polisiebeampte van die veiligheidstak, oor die dood van Neil Aggett gelieg? (2 x 2) (4)
- 2.3.4 Hoe het die familie van Aggett, volgens die bron op Nick Deetlefs se toesmeer oor die marteling en moord op dr. Neil Aggett gereageer? (1 x 2) (2)
- 2.3.5 Verduidelik die betroubaarheid van hierdie bron vir 'n historikus wat die omstandighede wat gelei het tot die dood van dr. Neil Aggett, bestudeer. (2 x 2) (4)

2.4 Gebruik Bron 2D.

- 2.4.1 Noem die twee veiligheidspolisiemanne in die bron wat nie om amnestie aansoek gedoen het nie. (2 x 1) (2)
- 2.4.2 Lewer kommentaar op die redes waarom aktiviste, familie en ondersteuningsgroepe 'n tweede ondersoek na die dood van Neil Aggett versoek het. (2 x 2) (4)

- 2.4.3 Hoe het haar broer, volgens Jill Burger gesterf? (2 x 1) (2)
- 2.4.4 Haal 'n sin uit die bron aan wat aandui dat dr. Aggett se vader nie sy dood kon aanvaar nie. (1 x 2) (2)
- 2.5 Vergelyk Bronne 2C en 2D. Verduidelik hoe die inligting in Bron 2B die bewyse in Bron 2D met betrekking tot die dood van Neil Aggett ondersteun. (2 x 2) (4)
- 2.6 Gebruik die inligting in die relevante bronne en jou eie kennis, skryf 'n paragraaf van ongeveer AGT reëls (ongeveer 80 woorde) waarin jy verduidelik of die amnestie-proses van die WVK die familie van Neil Aggett afsluiting gegee het. (8)

[50]

VRAAG 3: WATTER IMPAK HET DIE GLOBALE COVID-19 VIRUS OP SUID-AFRIKA GEHAD?

Bestudeer Bron 3A, 3B, 3C en 3D om die volgende vrae te beantwoord.

3.1 Lees Bron 3A.

- 3.1.1 Volgens die bron, waar is COVID-19 die eerste keer geïdentifiseer?
(1 x 1) (1)
- 3.1.2 Noem enige TWEE beperkings in die bron wat op 15 Maart 2020 deur president Ramaphosa aangekondig is.
(2 x 1) (2)
- 3.1.3 Waarom, dink jy, het die president besluit om skole en hoër-onderwys-instellings onmiddellik te sluit?
(2 x 2) (4)
- 3.1.4 Verduidelik die term *grendeltyd/inperkingstyd* in die konteks van die COVID-19-pandemie.
(1 x 2) (2)
- 3.1.5 Verduidelik aan die hand van die inligting in die bron en jou eie kennis hoe skole die akademiese jaar kon voltooi.
(1 x 2) (2)

3.2 Verwys na Bron 3B.

- 3.2.1 Noem enige TWEE strategieë vir openbare gesondheid in die bron wat tydens die COVID19-pandemie in Suid-Afrika aangemoedig is.
(2 x 1) (2)
- 3.2.2 Lewer kommentaar oor waarom jy dink dat 'dringende en drastiese' maatreëls deur president Cyril Ramaphosa geïmplementeer is.
(2 x 2) (4)
- 3.2.3 Verduidelik die nut van hierdie bron vir 'n historikus wat die gevolge van die inperkingsregulasies op die lewens van Suid-Afrikaners bestudeer.
(2 x 2) (4)
- 3.2.4 Wanneer, volgens die bron, was inwoners toegelaat om hul wonings te verlaat?
(2 x 1) (2)

3.3 Raadpleeg Bron 3C.

- 3.3.1 Noem EEN ekonomiese sektor uit die bron wat negatief deur die Covid-19-pandemie geraak is.
(2 x 1) (2)
- 3.3.2 Wat kon, volgens die bron, gebeur as 'n persoon/maatskappy nie die inperkingsregulasies nakom nie?
(1 x 2) (2)
- 3.3.3 Verduidelik die redes waarom die bruto binnelandse produk (BBP) drasties gedaal het aan die hand van die inligting in die bron en jou eie kennis.
(2 x 2) (4)

3.4 Bestudeer Bron 3D.

3.4.1 Watter boodskappe word op hierdie foto oor die wêreldwye Derde Vraag Covid-19-virus oorgedra? (2 x 2) (4)

3.4.2 Hoe, volgens die foto, kan die verspreiding van die pandemie voorkom word? Gebruik visuele leidrade op die foto. (1 x 2) (2)

3.4.3 Gebruik die inligting in die relevante bronne en jou eie kennis, en lewer kommentaar op die gevolge van die Derde Vraag Covid-19-virus as veiligheidsmaatreëls nie getref word nie. (1 x 2) (2)

3.5 Verwys na Bron 3B en 3D. Verduidelik hoe die inligting in Bron 3B die bewyse in Bron 3D ondersteun rakende die maatreëls wat getref is om die verspreiding van die virus te voorkom. (2 x 2) (4)

3.6 Gebruik die inligting in die relevante bronne en jou eie kennis, skryf 'n paragraaf van ongeveer AGT reëls (ongeveer 80 woorde) waarin jy die impak van die globale Covid-19-pandemie op Suid-Afrika verduidelik. (8)

[50]

AFDELING B: OPSTELVRAE

Beantwoord ten minste EEN vraag, maar nie meer as TWEE vrae, in hierdie afdeling.

Jou opstel met ten minste DRIE bladsye lank wees.

VRAAG 4: BURGERLIKE VERSET, 1970's TOT 1980's: SUID-AFRIKA: DIE KRISIS VAN APARTHEID IN DIE 1980's

'Steve Biko is deur die apartheidsregime as 'n bedreiging beskou.'

Verduidelik tot watter mate Steve Biko en die Swartbewussynsbeweging die apartheidsregime in die 1970's uitgedaag het.

[50]**VRAAG 5: DIE KOMS VAN DEMOKRASIE NA SUID-AFRIKA EN DIE AANVAARDING VAN DIE VERLEDE**

'Dit was De Klerk se besluite wat die weg gebaan het vir 'n onderhandelde skikking wat uiteindelik tot die stigting van 'n demokratiese Suid-Afrika in 1994 gelei het.'

Bespreek die stelling krities. Ondersteun jou lyn van argument deur relevante bewyse te gebruik.

[50]**VRAAG 6: DIE EINDE VAN DIE KOUE OORLOG EN 'N NUWE WÊRELDORDE: DIE GEBEURE VAN 1989**

'Dit was die ineenstorting (ondergang) van kommunisme wat grootliks verantwoordelik was vir politieke veranderinge wat ná 1989 in Suid-Afrika plaasgevind het.'

Stem jy saam met die stelling? Motiveer jou lyn van argument deur relevante bewyse te gebruik.

[50]**TOTAAL: 150**

